



Broj/Број: 01/5-50-1-12-28/04
Sarajevo/Сарајево: 19.7.2005. godine

Z A P I S N I K

28. sjednice Komisije za ljudska prava, imigraciju, izbjeglice i azil, održane 7.7.2005. godine, s početkom u 15,00 sati.

Sjednici Komisije prisustvovali su:

- Elmir Jahić, predsjedatelj Komisije,
- Martin Raguž, prvi zamjenik predsjedatelja Komisije,
- dr. Tihomir Gligorić, drugi zamjenik predsjedatelja Komisije
- Vlatka Komšić, član Komisije
- Selim Bešlagić, član Komisije,
- Nadžida Mlaćo, član Komisije,
- Marija Perkanović, član Komisije,.

Sjednici nisu prisustvovali: Senija Kapetanović i Muhamed Altić, članovi Komisije.

Od gostiju, sjednici Komisije prisustvovali su: Rusmira Tihić-Kadrić i dr. Slobodan Nagradić pomoćnici ministra Ministarstva za ljudska prava i izbjeglice BiH; Vitomir Popović, Mariofil Ljubić i Safet Pašić, ombudsmeni za ljudska prava BiH; Esad Muhibić, Vera Jovanović i Branka Raguz, federalni ombudsmeni; te Nada Grahovac ombusman i Milan Šubarić zamjenik ombudsmana Republike Srpske. Osim njih, u svojstvu gosta prisustvovali su i Ilija Utmelidze i Amra Agović iz Misije OEES BiH.

Komisija je prihvatila slijedeći

D n e v n i r e d:

- 01. Usvajanje zapisnika 27. sjednice Komisije,**
- 02. Rasprava o Prijedlogu zakona o Matici iseljenika Bosne i Hercegovine,**
- 03. Rasprava o Prijedlogu zakona o izmjenama i dopunama Zakona o ombudsmenu za ljudska prava BiH,**
- 04. Stanje predstavki građana upućenih Komisiji,**
- 05. Tekuća pitanja**

Ad. – 1. Usvajanje zapisnika 27. sjednice Komisije

Nakon usvajanja dnevnog reda, predsjedatelj Komisije je predložio raspravu i izjašnjenje o zapisniku Komisije 27. sjednice. Diskusije o zapisniku nije bilo.

Kako nije bilo diskusije o zapisniku, Komisija je usvojila zapisnik 27. sjednice.

Ad. – 2. Rasprava o Prijedlogu zakona o Matici iseljenika Bosne i Hercegovine

Otvarajući ovu točku dnevnog reda, predsjedatelj Komisije **Elmir Jahić** je upoznao prisutne o toku dosadašnje procedure donošenja Prijedloga zakona o Matici iseljenika BiH. On je

istakao da podržava izvorni tekst Prijedloga zakona, onako kako ga je podnijelo na usvajanje Vijeće ministara BiH.

Selim Bešliagić je u diskusiji zatražio od predstavnika predlagatelja, Vijeća ministara BiH da objasne situaciju šta bi bilo ako bi niži nivoi vlasti tražili formiranje svojih Matica iseljenika.

Rusmira Tihić-Kadrić, pomoćnik ministra za ljudska prava u svom obraćanju ukazuje na značaj ovog zakona koji treba dovesti određen red u stanje našeg iseljništva. Nije dobila amandmane koje su uložili zastupnici Marija Perkanović i Selim Bešliagić, pa se o njima ne može ni izjasniti.

Martin Raguž je u diskusiji podsjetio članove Komisije na zakon koji je donesen još 1963. godine, i koji se treba izmjeniti, a novim zakonom treba riješiti temeljne probleme pučanstva. On ukazuje na poseban značaj čl. 1. i 2., o nastavku rada Matice iseljenika i njenom statusu, kao i statusu djelatnika koji sada rade u organizaciji Matice.

Marija Perkanović iskazala je sumnju u sve zakonske tekstove koji nemaju ugrađena ustavna načela. To važi i za ovaj zakon.

Dr Tihomir Gligorić je ukazao na podnesene amandmane od zastupnice Marije Perkanović. Po njegovom mišljenju, o tim amandmanima treba se izjasniti Vijeće ministara BiH, a ako to uradi tada će i zastupnicima biti lakše pri odlučivanju.

Elmir Jahić predložio je da se diskutira o principima Prijedloga zakona. Kako nije bilo daljnje diskusije o principima, zatražio je od prisutnih da se izjasne o principima. Sa šest glasova «za» i jednim glasom «protiv» usvojeni su principi Prijedloga zakona.

Na kraju je Komisija zaključila da se amandmani Marije Perkanović i Selima Bešliagića dostave Vijeću ministara BiH na očitovanje, a od Kolegija da se zatražio produženje roka za ovaj Prijedlog zakona.

Ad. 3. Rasprava o Prijedlogu zakona o izmjenama i dopunama Zakona o ombudsmanu za ljudska prava BiH

Kao uvod za ovu točku dnevnog reda, **predsjedatelj Komisije** govorio je o toku dosadašnjeg postupka Prijedloga zakona o izmjenama i dopunama Zakona o ombudsmanu za ljudska prava BiH. On je istakao da smo još ranije usvojili principe Zakona, a da su amandmane na Zakon uložili Momčilo Novaković i Martin Raguž. Komisiji je danas stiglo i mišljenje Vijeća ministara BiH.

Dr Slobodan Nagradić je u ime Vijeća ministara BiH i Ministarstva za ljudska prava i izbjeglice BiH prezentirao je stav Vijeća ministara BiH o ovom zakonu. On smatra da Prijedlog zakona zadovoljava sve europske kriterije i da je njegovim tekstom zadovoljna i Međunarodna zajednica. Tekst zakona ne odstupa od europskih načela.

U daljnjoj raspravi su učestvovali zastupnici **Martin Raguž** i dr **Tihomir Gligorić** koji su ukazali na mišljenje Vijeća ministara BiH, ali je ono prezentirano danas, pa je potrebno dobro proučiti ovo mišljenje, što traži određeno vrijeme. Dr. Tihomir Gligorić je upozorio i na zaključak Narodne skupštine Republike Srpske od 12. 8.2004. godine koji zahtijeva postojanje entitetskog ombudsmana

Selim Bešliagić smatra da ovim zakonom rješava se pitanje zaštite ljudskih prava na državnom nivou i za cijelu Bosnu i Hercegovinu. Mišljenja entitetskih parlamenata mogu biti korisna za neke oblasti života građana, ali za oblast ombudsmana ne mogu jer je to pitanje Bosne i Hercegovine i njenog daljnjeg približavanja euroatlantskim procesima.

Mariofil Ljubić je, u svojstvu ombudsmana BiH istakao da je Ombudsman BiH osposobljen da preuzme posao zaštite ljudskih prava u BiH punim kapacitetom. Postoje druga pitanja koja opterećuju rad ove institucije kao što su osnovna statusna pitanja, te zahtjevi koji idu za novim natječajem i novim izborom prvih ljudi ove institucije. O statusu ombudsmana BiH govorio je i Vitomir Popović.

Martin Raguž je ukazao na raniji procesni put zakona koji nije prošao u Parlamentu. Založio se za to da i ovaj zakon ne doživi sudbinu ranijeg te predložio da se ovo pitanje dobro razmotri.

O statusu Ombudsmana BiH govorio je i Safet Pašić, o statusu ombudsmena Republike Srpske Nada Grahovac te o statusu ombudsmena Federacije BiH Vera Jovanović. Ombudsman za ljudska prava Safet Pašić je podsjetio članove Komisije da ombudsmeni BiH nisu primili platu u zadnjih osam mjeseci. Isto tako, on je izabran na poziju ombudsmana na period od pet godina, a sada se osjeća kažnjenim jer se traži da se raspiše natječaj za nove ombudsmane.

Nakon duge i sveobuhvatne rasprave, komisija je zaključila slijedeće:

1. da se od Kolegija zatraži produženje roka komisijske faze razmatranja ovog zakona,
2. u produženom roku treba neko od predlagatelja zakona ili odustati od svojih amandmana ili promijeniti amandmane.

Ad. 4. Stanje predstavki građana upućenih Komisiji

U uvodu za ovu točku dnevnog reda, predsjedatelj Komisije je prezentirao stanje obražanja građana ovoj komisiji, sačinjeno od tajnika Komisije sa stanjem na dan 15.6.2005. godine. On je predložio raspravu o stanju rješavanja predstavki. Kako nije bilo diskusija, dogovoreno je da se na narednoj sjednici razmatra i ovo pitanje. Na inicijativu tajnika Komisije dr Zijada Hasića, članovi Komisije su upoznati s predmetom UGOR - Udruženje građana otpuštenih radnika iz RH Jelah - Tešanj, dostavljeno Komisiji 29.6.2005. godine.

Na inicijativu predsjedatelja Komisije, formirana je potkomisija u sastavu:

- Selim Bešlić,
- Vlatka Komšić i
- Tihomir Gligorić.

Potkomisija treba poduzeti sve potrebne radnje, uključujući analizu pristiglih materijala, kao i posjete organima i tijelima koja bi mogla biti korisna za sagledavanje ovog problema. Nakon toga, Potkomisija će svoje mišljenje prezentirati Komisiji.

Ad. 5. Tekuća pitanja

Otvarajući ovu točku dnevnog reda, predsjedatelj Komisije je ponudio članovima komisije izjašnjenje o bilo kojim pitanjima važnim za ostvarenje ljudskih prava, imigracije, izbjeglica i azila u BiH. Tajnik Komisije je ukazao na pismo predsjedatelja Zastupničkog doma u vezi zastupničkog pitanja Filipa Andrića koji glasi:

«Potaknut informacijom iz medija o premlaćivanju zatvorenika hrvatske i srpske nacionalnosti u zatvoru u Zenici, tražim od Komisije da žurno posjeti zatvor i sagleda stanje u tom zatvoru, s aspekta poštivanja ljudskih prava zatvorenika, te predloži odgovarajuće mjere s ciljem potpunog poštivanja Europske konvencije o zaštiti ljudskih prava.»

U raspravi je učestvovalo nekoliko članova Komisije na temu stanja ljudskih prava u zatvorima u Bosni i Hercegovini.

Nakon rasprava zaključeno je slijedeće:

1. Formira se Potkomisija koja treba posjetiti KPZ Zenica i sagledati stanje u njemu. Potkomisiju čine:
 - a. Selim Bešlić,
 - b. Marija Perkanović,
 - c. Vlatka Komšić i
 - d. Dr Zijad Hasić.

2. U toku rujna 2005. godine treba posjetiti i druge KPZ u Bosni i Hercegovini, a zadužuje se tajnik Komisije da osmisli i za narednu sjednicu prezentira shemu i ciljeve posjete, a sve temeljem ove provedene diskusije.

Završavajući ovu točku dnevnog reda, Komisija je završila svoju 28. sjednicu.
Sjednica je završena u 17,30 sati.

TAJNIK KOMISIJE

dr. Zijad Hasić

PREDSJEDATELJ KOMISIJE

Elmir Jahić v.r.